

docriver 文川网  
古籍书城  
入驻商家  
在文川网搜索古籍书  
获取更多电子书


中國方志叢書·華北地方·第三五一號

據清·蘇履吉修·曾誠纂  
清·道光十一年刊本

影印

甘肅省

# 敦煌縣志



成文出版社有限公司印行

80/6575  
4539/08



\*10098518\*

中華民國五十九年 月壹一版

# 敦煌縣志

全一冊

發行人：**黃 成 助**

出版者：**成文出版社有限公司**

台北郵政信箱二二六〇五號  
台北市羅斯福路三段279之二號  
電話：三三〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

道光辛卯春鐫

敦煌縣志

本衙藏板

docsriver 文川网  
入驻商家 古籍书城

在文川网搜索古籍书城 获取更多电子书

敦煌縣志序



往余宰粵東之澄邁海外  
巖疆也甫下車披閱邑志  
脩於康熙四十九年蓋百  
有餘歲矣因思重脩以補  
其闕維時洋氛未靖戎馬

之餘他務未遑泊乎嘉慶  
己巳環海肅清四民安業  
亟與彼都人士參互考訂  
業已漸次就緒復以卓薦  
入  
都未獲授諸剗厠萬里通潮

至今猶耿耿也茲觀  
九齋年兄敦煌縣志見其  
稽古之勤任事之勇有足  
多者敦煌為河西四郡之  
一而今之敦煌即昔之沙  
州前沙州衛志附入肅州

志此志雖創而仍因然前  
志畧舉大綱自改衛為縣  
越今七十餘年其間在官  
在民風俗與化移易苟非  
博採旁搜無以綜古今而  
臻大備此縣志之似因而



實創也且夫人服古入官  
豈惟是耽吟哦崇藻飾詡  
為淹貫之才云爾哉必將  
徵文考獻會友輔仁萃遠  
近之嘉言懿行勒為一編  
覽者感發而興起斯善教

得心方有合於古之作者  
耳九齋此志其於建置沿  
革諸條考據詳明能補前  
志所未及稽古可謂勤矣  
而德行道藝靡不顯微而  
闡幽越四月書成捐廉俸

以付之梓其任事亦何勇  
也吾知家絃戶誦見賢思  
齊敦邑之士習民風蒸蒸  
日上有以仰副

聖朝作人之化矣夫敦煌之隸  
於關外與澄邁之隸於海

外均邊境也廼九齋則能  
藏其功而余未克竟其業  
撫今追昔竊幸珠玉在前  
與有榮施也是為序

道光十一年歲次辛卯仲  
春下澣

賜進士出身翰林院庶吉士  
誥授中憲大夫甘肅分巡安肅  
等處地方兵備道加三級  
紀錄五次由沃通家弟蓋  
運長拜撰





敦煌縣志序

余自戊子春西域從戎歸  
道經安西時  
九齋刺史權安西州事相  
見之際欣然道故迨庚寅  
四月余忝牧斯土而九齋

以敦煌邊俸未滿仍回本  
任今春九齋以所脩敦煌  
志書請序於余余詳加披  
閱序事則簡而明考覈則  
精而約稽古有典論今有  
方誠著作才也夫敦煌為



關外名區安西亦屬古敦煌郡此志之脩志一邑也即可因是以志一州客歲仲秋西域逆回復行蠢動余安西最當衝要九齋令敦煌挽粟飛窮奔走牛馬

docsriver 文川网  
入驻商家 古籍书城

在文川网搜索古籍书城 获取更多电子书

共襄厥事余以軍務旁午  
日昃靡遑九齋游刃有餘  
猶兢兢於縣志一書創然  
脩舉足徵吏治之暇不忘  
學問余昔癸未通籍後筮  
仕來廿九齋時已膺鉅邑

任繁劇所至有循聲自調  
敦煌前後七載其於關外  
之風土人情尤為熟悉前  
歲以軍功游升州牧高遷  
伊邇余亦以軍功恭膺  
簡命擢任安西下車以來採風

問俗畧得大概正悵然於  
安西一州二縣志無全書  
九齋獨能先余而為之復  
自捐廉亟付剞劂不徒為  
一邑光亦且為一州著矣  
他日創脩州志惟余之責

而有是書為之參考不致  
問道於盲則脩敦煌志之  
功大且多矣感何極哉至  
於敦煌自漢武設郡以來  
代有沿革其間名宦鄉賢  
之輩出與夫近日之吏治

民風蒸蒸日上志書已分  
類紀載九齋自序亦詳言  
之母庸余贅是為序

道光十一年歲次辛卯仲  
春下澣

賜進士出身

誥授奉政大夫知甘肅安西直隸州事加三級紀錄五次  
古柴桑石帆愚弟羅仲玉頓首拜撰







敦煌縣志序

漢書敦煌爲河西四郡之一領縣六敦煌縣卽郡之首邑應劭曰敦大也煌盛也取大盛之義厥後以其地有鳴沙山或稱沙州或名敦煌代多沿革明嘉靖初爲吐番所擾民皆內徙其土地遂沒於吐番我

朝雍正初設沙州衛復遷內地戶民以實之始於古敦煌郡城東別築衛城乾隆間改衛爲縣復名敦煌而營制則仍稱沙州今之言沙州者卽

敦煌縣縣隸於今之安西直隸州其疆域山川已非昔日一郡之地官師人物亦復今昔不同前沙州衛志附入肅州志創造之初大綱畧舉而條分縷晰諸多未備且自改縣以來越今七十餘年農服先疇士食舊德吏民相親歲收豐稔俗美風醇已蒸蒸日上漢書所謂其俗風雨時節穀糴常賤少盜賊有和氣之應賢於內郡此政寬厚吏不苛刻之所致守土者幸再見於今日是又不可不亟爲編輯也

履吉

前調是邑

卽擬創修縣志適值南路回疆不靖軍務旁午  
輓粟飛芻未及修舉嗣又攝篆安西瞬經三載  
今年春始回本任他務未遑延武威孝廉元魯  
會君來襄斯舉參考沙州衛志援古証今遐稽  
博採越四閱月始獲成書顧念敦煌爲邊疆要  
地是志之輯所以正疆域而昭建置吏治之循  
武備之盛人物之興風俗之化與夫古昔之名  
宦鄉賢可以感發人之心志者無不備列至於  
藝文雜類可誦可傳有關於地方治理者亦皆

附載靡遺庶幾瞭如指掌毋致久遠而難稽也  
方今

聖治遐昭薄海內外悉列版圖一郡一邑靡不輯有

志書以重輪軒之採 履吉 在任敦煌前後已經

七載風土人情知之最稔茲已秩滿行將去此

是志弗修不第無以對我士民撫衷自問區區

於簿書彙牘之間自爲鞅掌亦有愧於守土者

之責也若謂志乘之成可以繼美前人流傳後

世不至於固陋無文則非 履吉 所敢鬻鬻其萬

一焉謹序

道光十年歲次庚寅嘉平月上澣

誥授奉直大夫陞用知州知敦煌縣事軍功隨帶加  
三級閩南蘇履吉九齋氏謹序

docsriver 文川网  
入驻商家 古籍书城

在文川网搜索古籍书城 获取更多电子书

--	--	--	--	--	--	--	--	--	--



敦煌縣志序

邑之有志始於唐之元和原本於周官小史之掌然  
史材之難得也久矣尚書紀事經而史者也春秋編  
年史而經者也若公穀若左語若世本國策吳越春  
秋周秦諸子莫非麟經之輔翼而史漢之權輿也自  
龍門創爲紀傳書表世家孟堅特易書爲志蔚宗以  
下皆師爲家法第三史而外大雅激賞者僅唐李延  
壽南北史宋歐陽永叔五代史餘俱不免雌黃焉至  
明李賢之一統志迷謬多端且與胡廣之五經大全